



Br. 39/2018

SAVEZIMA ČLANOVIMA UEFA-e

N/R predsjedniku i generalnom sekretaru

Vaš djelov. br.

Vaša prepiska od

Naš djelov. br.

Datum

MAC/FOPS/DAL

29. jun 2018.

## Izmijenjena Pravila igre za sezonu 2018/19 I njihovo sprovođenje na takmičenjima UEFA-e

Poštovani g-dine/g-đo,

Željeli bismo da vam pružimo dodatna pojašnjenja u sljedećim oblastima, u kojima su uvedene izmjene pravilnika takmičenja UEFA-e, u skladu sa nedavnim izmjenama I dopunama Pravila igre Međunarodnog odbora fudbalskih saveza (IFAB-a):

1. broj zamijenjenih igrača;
2. dodatne zamjene ukoliko se igraju produžeci;
3. maksimalan broj rezervnih igrača koji mogu da se navedu u sastavu ekipe;
4. broj i lokacija dodatnih sjedišta za stručni štab;
5. korišćenje elektronske komunikacije u tehničkom prostoru.

### 1. Broj zamjena

Pravilo 03 izmijenjeno je na sljedeći način:

*"Broj zamjena, najviše do pet, koje mogu da se koriste na bilo kojoj utakmici zvaničnog takmičenja utvrđice FIFA, data konfederacija, odnosno nacionalni fudbalski savez, osim za takmičenja na kojima učestvuju prvi timovi klubova najvišeg ranga, odnosno seniorske 'A' nacionalne reprezentacije, u muškoj i ženskoj konkurenciji, na kojima se mogu izvršiti najviše tri zamjene."*



Uvođenje do pet zamjena uz najviše tri prekida igre tokom regularnog toka utakmice primjenjivaće se samo na sljedećim takmičenjima UEFA-e:

- UEFA Youth league 2018/19
- UEFA Evropsko prvenstvo za kadete 2018/19
- UEFA Evropsko prvenstvo za omladince 2018/19
- UEFA Evropsko prvenstvo za kadetkinje 2018/19
- UEFA Evropsko prvenstvo za omladinke 2018/19

Ovo pravilo primjenjivaće se na sljedeći način:

- dozvoljeno je do pet zamjena po ekipi;
- svaka ekipa može da koristi najviše tri prekida igre radi zamjene svojih igrača;
- ukoliko se igraju produžeci, svaka ekipa može da koristi do četiri prekida igre, pod uslovom da barem jedan od ovih prekida bude izvršen u produžetku utakmice;
- zamjene izvršene tokom odmora između dva poluvremena, u pauzi prije igranja produžetaka i pauzi između produžetaka ne smanjuju broj prekida igre koji može da se izvrši;
- igrač koji je zamijenjen ne smije ponovo da ulazi u igru.

## 2. Dodatna zamjena ukoliko se igraju produžeci

Pravilu 03 dodata je sljedeća formulacija:

*"U propozicijama takmičenja mora da se navede*

- (...)
- *da li se može koristiti jedna dodatna zamjena ukoliko se igraju produžeci (da li je ekipa već iskoristila maksimalan broj dozvoljenih zamjena, ili to nije slučaj)"*

Dodatna zamjena u produžetku biće dozvoljena na sljedećim takmičenjima UEFA-e (u okviru kojih ostaju najviše tri zamjene tokom regularnog toka igre):

- UEFA Liga šampiona 2018/19
- UEFA Liga Evrope 2018/19
- UEFA Super kup 2018
- UEFA Liga šampiona za žene 2018/19
- UEFA Evropsko prvenstvo u fudbalu 2018-20
- UEFA Evropsko prvenstvo u fudbalu za žene 2019-21
- UEFA Kup regija 2018/19

---

Dodatna zamjena u produžetku biće dozvoljena i na sljedećim takmičenjima, čije su aktuelne propozicije izmijenjene od strane Izvršnog odbora UEFA-e na sastanku održanom 24. maja 2018. u Kijevu, i to na sljedeći način:

*“Samo tri zamjene navedene u sastavu ekipe mogu da uđu u igru. Igrač koji je zamijenjen ne može ponovo da uđe u igru. **Izuzetno, četvrta zamjena navedena u sastavu može da uđe u igru na utakmicama “nokaut” faze isključivo u produžetku utakmice.**”*

- UEFA Liga nacija 2018/19 – završni turnir (5, 6. i 9. jun 2019.) – stav 38.04
- UEFA Evropske kvalifikacije za FIFA Svjetsko prvenstvo za žene 2019 – prvo i drugo kolo razigravanja (1-9. oktobra i 5-13. novembra 2018.) – stav 36.04
- UEFA Evropsko prvenstvo za mlade 2017-19 – baraži (12-20. novembra 2018.) i polufinale, finale i kvalifikacije za Olimpijadu u okviru završnog turnira u Italiji (16-30. juna 2019.) – stav 39.04
- UEFA Evropsko prvenstvo za omladinke 2017/18 – polufinale I finale u okviru završnog turnira u Švajcarskoj (18-30. jula 2018.) – stav 36.04
- UEFA Evropsko prvenstvo za omladince 2017/18 – polufinale, finale i plej-of utakmice za FIFA U-20 Svjetsko prvenstvo u okviru završnog turnira u Finskoj (16-29. jula 2018.) – stav 35.04

Pojašnjenja radi, ukoliko se u regularnom toku utakmice izvrši manje od tri zamjene, ta ekipa i dalje može da izvrši ukupno četiri zamjene u slučaju odigravanja produžetaka.

### 3. Maksimalan broj rezervnih igrača koji mogu biti navedeni u sastavu ekipe

U Pravilu 03 navodi se:

*“U propozicijama takmičenja mora biti navedeno*

- *koliko rezervnih igrača može da se unese, od tri do najviše dvanaest.”*

U daljem tekstu slijedi dozvoljeni broj rezervnih igrača zavisno od takmičenja UEFA-e:

Do **12 rezervnih igrača** može da se unese u sastav ekipe na sljedećim takmičenjima:

- UEFA Super kup 2018
- UEFA Evropsko prvenstvo za mlade 2017-19 (završni turnir)
- UEFA Liga nacija 2018/19 (sve utakmice)
- UEFA Evropsko prvenstvo u fudbalu 2018-20 (sve utakmice)
- UEFA Evropsko prvenstvo u fudbalu za žene 2019-2021 (završni turnir)

---

Do **9 rezervnih igrača** može da se unese u sastav ekipe na sljedećim takmičenjima:

- UEFA Kup regija 2018/19 (završni turnir)
- UEFA Evropsko prvenstvo za omladince 2018/19 (sve utakmice)
- UEFA Evropsko prvenstvo za kadete 2018/19 (sve utakmice)
- UEFA Evropsko prvenstvo za omladinke 2018/19 (sve utakmice)
- UEFA Evropsko prvenstvo za kadetkinje 2018/19 (sve utakmice)

Na sljedećim takmičenjima zadržava se najviše do **7 rezervnih igrača** unesenih u sastav ekipe:

- UEFA Liga šampiona za žene 2018/19
- UEFA Omladinska liga 2018/19
- Evropske kvalifikacije 2017-2019 za FIFA Svjetsko prvenstvo za žene 2019
- UEFA Evropsko prvenstvo za žene 2019-2021 – kvalifikacije I baraž
- UEFA Evropsko prvenstvo za mlade 2017-19 – kvalifikacije I baraž
- UEFA Liga šampiona 2018/19 – sva kola *osim završnog na kojem je dozvoljeno 12*
- UEFA Liga Evrope 2018/19 – sva kola *osim završnog na kojem je dozvoljeno 12*
- UEFA Kup regija 2018/19 – kvalifikacije

#### 4. Broj i lokacija dodatnih sjedišta za stručni štab

Na UEFA Ligi šampiona, UEFA Ligi Evrope i UEFA Super kupu, broj dodatnih sjedišta za stručni štab povećan je sa pet na **osam, ukoliko prostor to dopušta**. Ova sjedišta i dalje su smještena van tehničkog prostora najmanje pet metara iza ili bočno od klupa, ali sa lakim pristupom svlačionicama. Isto tako, klubovi mogu da se dogovore oko opredjeljivanja dodatnih sjedišta za stručne štabove ekipa na tribinama, ali domaći klub mora da obezbijedi gostujućem klubu najmanje pet takvih sjedišta na tribinama.

Na svim ostalim takmičenjima, broj od pet dodatnih sjedišta za stručni štab ostaje nepromijenjen.

Takođe, na UEFA Ligi nacija 2018/19 i UEFA Evropskom prvenstvu 2018-20, pet dodatnih sjedišta za stručni štab može da bude integrisano sa standardnom klupom za rezervne igrače, zavisno od infrastrukture stadiona. To znači da bi ukupan broj osoba kojima je dozvoljeno da sjede na klupi bio 23. Kada se radi o eventualnim dodatnim sjedištima za stručni štab na tribinama, to treba da bude predmet dogovora između klubova.

## 5. Korišćenje elektronske komunikacije u tehničkom prostoru

Pravilo 04 izmijenjeno je I glasi:

*" (...) Korišćenje bilo kojeg oblika elektronske komunikacije od strane članova stručnog štaba ekipe dozvoljeno je ukoliko se neposredno odnosi na dobrobit ili bezbjednost igrača, odnosno iz taktičkih/trenerskih razloga, ali samo mali, prenosni, ručni aparati (primjera radi, mikroskop, "bubice" ili standardne slušalice, mobilni telefon/"pametni" telefon, "pametni" sat, tablet, laptop) smiju da se koriste. Član stručnog štaba koji koristi nedozvoljene aparate, odnosno ponaša se nedolično po osnovu upotrebe elektronske opreme, odnosno aparata za komunikaciju, biće udaljen iz tehničkog prostora."*

Ovo pravilo IFAB-a stupa na snagu odmah na svim takmičenjima UEFA-e. Već izrađene propozicije će stoga morati da se usklade sa svim pravilnicima takmičenja UEFA-e donesenim ove godine, kojima je propisano da: "Korišćenje bilo kakve opreme i/ili sistema za elektronsku komunikaciju uređeno je IFAB-ovim Pravilima igre i donesenim relevantnim uputstvima."

Te već izrađene propozicije su:

- UEFA Evropsko prvenstvo za omladinke 2017/18 – stav 38.05
- UEFA Evropsko prvenstvo za omladinke 2017/18 – stav 37.05
- UEFA Evropsko prvenstvo za mlade 2017-19 – stav 41.05
- UEFA Liga nacija 2018/19 – stav 40.06
- Evropske kvalifikacije 2017-19 za FIFA Svjetsko prvenstvo za žene 2019 – stav 38.05

Obratite pažnju na to da ekipe koje koriste sistem/TV signal da bi pristupili snimku utakmice u medicinske svrhe treba da obezbijede sličan pristup medicinskom osoblju gostujućeg tima (uz mogućnost naplate tehničkih troškova).

Podsjećamo sve timove da ovo novo pravilo ne treba da se zloupotrebljava i, posebno, da UEFA očekuje puno poštovanje sudija od strane članova stručnih štabova.

### Prilozi

- Prilog 1 – Sažetak različitih regulatornih izmjena
- Prilog 2 – Sažetak novih propozicija o broju dozvoljenih zamjena